



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Westoni elogium, & numero 25. n. 16.

urn:nbn:de:hbz:466:1-38320

cum ex Spiritu Sancto esse non dubitemus, iniuriam facere omnium do-^{1587:}
 norum ac gratiarum largitori reveremur, nisi nos quoque ex parte nostra
 Dominationis vestrae votis cooperaremur, & consolationi quantum in nobis
 est prospiceremus. Quare pro ea quam nobis Christus quanquam indigens
 dedit in hanc Societatem potestate Dominationem vestram in nostrum gre-
 gem recipimus, & huic nostro, qualecunque est, corpori adiungimus, eamque
 ex nunc quasi viuum & verum membrum in spiritu amplectentes, omnium
 nostrorum seu laborum, seu meritorum, seu gratiarum participem facimus.
 Speramus equidem diuinam bonitatem, cuius proprium est desi derium pau-
 perum exaudire, hoc etiam nobis aliquando concellaram, ut Dominatio Ve-
 stra istis ærumnis erepta, nostra sit non solo animo & affectu, sed re etiam
 ipsa & opere. Sed tamen si diuinum beneplacitum aliud quidpiam ita-
 tuerit, Domum orabimus ut tempore fædere faltem in Cælo con-
 iungat. Interea vero quādū ita tulerit Domini voluntas, non minus ex-
 istimare debet te esse Societatis, licet in vinculis, licet corpore admodum de-
 stitutus: Quin potius quo maiora & acerbiora pro Christo pertulerit, eo ma-
 gis existimare debet te coram Domino, qui corda intuetur, Christi discipu-
 lum, & Societatis verum esse filium. Est tamen quod moneam, ut Domina-
 tio vestra consilium suum, concessi onemque hanc nostram, nemini temere
 aperiat, nec omnino nisi & nullum periculum, & aliqua magna utilitas appa-
 ruerit. Nos autem Dominum Iesum Christum precabimur ut Dominationis
 vestrae animam suis benedictionibus largè præuenire, & virtute ex alto in-
 due et dignetur, ut condignis operibus tantæ vocationi respondere queat, &
 illam nec persecutio, nec gladius, neque instantia, neque futura separare pos-
 sint à charitate quæ est in Christo Iesu, qui est super omnia benedictus in sa-
 cula. Amen. Romæ quarta Maij Anno millesimo quingentesimo leptuagesi-
 monono.) Hunc literæ Romanæ anni nonagesimi secundi hoc ornant Elo-^{Moritus;}
 gio: "In Anglia Sanctus Christi Confessor Thomas Mettamus morte Iusto-
 rum moritur in Custodia, quā propter fidem Catholicam, septimum iam &
 decimum annum detinebatur; Martyrio eo molestiori quo diuturniori. Ve-
 nerat etiam in Angliam Guilielmus VVestonus anno octogesimo tertio: Is qui
 veneratione Campiani, adiecto Edmundi nomine, multam & arduis perse-
 rendis, & ex virtute præclaræ factis sibi & Societati, etiam apud aduentarios,
 excitauit existimationem. Tum anno octogesimo sexto Henricus Garnettus
 & Robertus Southwellus numerum & splendorem auxerunt operariorum. Gui-
 lielmus VVestonus ortus Maidstonij in agro Cantiano, & Campiani in Acade-^{VVestoni.}
 mia Oxonieniæ æqualis, postquam ad fidem Catholicam animum adieceret,
 annos natus viginti quinque Romanum proficilcens adscriptus est in Societatem
 ipsi nonis Novembris anni leptuagesimi quinti, atque anno sequenti à Pro-
 uinciali Beticæ deductus Montiliam. Peracto Montiliæ tyrocinij aliquarto
 tempore Philosophiam repetit Cerdubæ (erat enim in Artibus Baccalaureus) Vide Per-
 & audiuit Thelogos, tum uno aut altero anno reliquis Societatis Ministerijs
 altam in eius vita,
 cum

1587. cum insigni fructu adhibitus est Gadibus primùm deinde ad Sanctum Lucam, & Hilpali, ad Anglos præcipue ijsin emporijs iuuandos; quanquā & ad indigenas eius pertinuit industria non sine opinione illo etiam tempore sanctitatis. Notabatur enim iam tum in illo indefesum precandi studium cum corporis alpera tractatione coniunctum, humilitas etiam singularis quam innata affabilitas condiebat. Qui eodem cum ipso vrebantur cubiculo frequentissimè nixum genibus reperiebant, vt studendo orare, & orando studere videtur: tum etiam sub mensa incuruum nè quies ipsa sine molestia esset, humilia vero culinæ obire officia illi erat propè quotidianum. Anno octogesimo secundo vocatus in Angliam, nouam vestem interiorem quam paratam ad iter reperit, intactam reliquit veteri contentus; eumque vero de via confessum vendidit, & pedes confecit iter in Gallias, ubi cum Personum conuenisset, acceptis ab eo literis ad notam non procul Londino domum, amicè quidem habitusest, sed vt erant illa tempora timoribus suspicionibusque plenissima, non ausa est hera tantum hospiti ignoto fidere vt sineret pernoctare: itaque honestè dimissus diuersum carpit iter Londinum versus, ne si communis tritoq; incederet à quopiam fortasse maleuolo obseruaretur; cùm enim indicia à Personio data Hera non agnosceret, nouumq; videretur Personij nomen, Westonus ipse aberrasse se domo existimabat, vel nouos inquilinos insedisse: paucos vero post dies incidit in Sacerdotem qui ad eandem dormum deducum Heræ commendauit. Illa facti pœnitens, & metum ipsa luum accusans, hominem colit, & viam ad multorum Catholicorum notitiam aperit. Hinc Philippum Arondelia Comitem anno insequenti reddidit Ecclesiæ, & ad vitam summa cum laude pietatis & moderationis instituendam salutaribus præceptis instruxit, alias complures in viam reduxit, firmavitq; Catholicos. Duobus annis libertatem vltro citroque comandezi retinuit; tum dolo malo captus, in atrium Wintoniense Londini datus est in custodiam. Illustrissima Arondelia Comitissa habitu mentito intromissa in carcerem obtulit pecuniâ libertatem redimere: At. " Nequaquam, inquit Westonus; Non mihi hæc captiuitas obuenit pecuniæ cauſa; pecuniâ, mevolente, non redimetur: Deus cùm volet eorum animos qui me hic clauserunt permouebit ut restituat libertati; in eius Prudentia conquiesco.) In atrio Wintoniensi nauta quidam tenebatur quem ad exportandas occulte merces conduxerant nocturni fures; hic cum frequens ad Westonum seruitij cauſa itaret, pecuniam aliquando petiit, quâ libertatem emere sperabat: " Dabo, inquit Westonus, at tu libertatem non impetrabis; prouide itaque animæ tuæ, eamque in tuto colloca.) simulque quid esset agendum docuit; quæ ille cùm audiē & saepius audiueret factus Catholicus damnatur. Quæsitus ad cænam Caluinsticam cum ceteris facinorosis ante supplicium pro more sumendam, professus se Catholicum reculauit. Tum oblatâ vitâ & libertate si omissis nostris eorum rursus rationes sequi vellet, persistit in fide recens recepta constans, & mileram hanc vitam certâ spe gloriae sempiternæ commutauit.

Alter

Capiturne
vult redi-
mi pecuniâ

Nautæ cō-
verſio,